



Inatsisartunut ilaasortaasumut uunnga  
Andreas Uldum (Demokraatit)

**Akilerartarneq pillugu apeqqut akineqarsimangitsoq pillugu Inatsisartut Sule-  
riaasissaanni § 37 naapertorlugu apeqqummut akissut**

22. januar 2014  
Sagsnr. 2014-094978  
Dok. Nr. 1461014

Asasara Andreas Uldum,

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

Sulinermit ilanngaas pillugu § 37 naapertorlugu apeqqutinnut januaarip 8. 2014-imeer-  
sumut qujanaq.

Kingulleq siullugu aallartillanga. Naatsorsuussinermut najoqqutassaq, Maliina Abelsenip Naalakkersuisuunerani atorneqartumit illit innersuutigisannit annertunerusoq, Aningaasaqarnermut Nunamullu Namminermut Naalakkersuisoqarfimmi aqqissuutileruttorparput. Suliniutit assigiinngitsut, assersuutigalugu sulinermit ilanngaataasinnaasup, sunniutaannik ajornanginnerusumik taassuma nalilersuisinnaatissavaatigut. Najoqqutassaq taamaattoq 2014-ip qiteqqunnerani aatsaat piareersimanissaa naatsorsuutigineqarpoq. Sulinermit ilanngaas pillugu apeqqutinnut siullermut uanga akissutinni sulinermit ilanngaasip aamma siusinnerusukkut Naalakkersuisut iluarsaaqqinnermik pilersaarutaasa akornanni imminnut attuumassuteqarsinnaanerit pillugu erseqqissaatitaqapoq. UKA 2012/32-imut siusinnerusukkut Naalakkersuisut akissuteqataat salliutillugu innersuussineq pivoq.

Sulinermit ilanngaateqalersitsisinnaanerup aqqissuunnissaa imaannaanngitsuunngilaq. Naatsorsuusionernut naalakkersuinermit isumaliutit arlaqartut tunngaviliunneqartariaqarput, iluaqutaasumik sunniuteqarnissaa anguniarlugu kikkut tigusaqartartussaani aamma qanoq angitigissanera ilanngullugit. Tamakku saniatigut sulinermit ilanngaateqartitsinnaanerup malitsissaanik atorsinnaasumik naatsorsuinermit suliffeqartinniakkanut kissaatigisamik sunniutissaasut anguniarlugit aamma inuit pissusersornerisa allannguutigisinnaasaat eqqarsaatigisariaqarput. Taamaattumik sulinermit ilanngaateqartitsinnaanerup eqqunneqarnerani imaaliillaannaq naatsorsuinerit eqqussinerup kingorna piviusumik malitsissaasut takutinnaviannilai.

Inatsisartuni ilaasortaasup apeqqutimini Inatsisartut 2012-imi ukiaaneranit ataatsimiinnerini immikkoortoq 32 innersuussutigisorigakku, torersumik pissuseqarnissaaq pillugu erseqqissaatigissavara, immikkoortoq IA-mit aamma Demokraatinit taasissutit kisiisa tunngavigalugit akuersissutigineqarmat. Siumut siunnersuummut akerliulluni taasivoq.

Apequtinnut decembarip 13. 2013-imeersumut itilisarlugu akissut tulliuuttuniippoq.

1. 2012-imi Inatsisartut ukiakkut ataatsimiinneranni aalajangiisoqarpoq sulinermit ilanngaatiq eqqunnissaa pillugu Naalakkersuisut nassuiaasiussasut. Taamaale-reerpat nassuiaat Inatsisartunut ilaasortanut agguanneqassaaq. Naalakkersuisut nassuiaatiq qaqugu agguanneqarnissaa naatsorsuutiginerlugu?
2. Naalakkersuisut naatsorsuusioqquneqarput takutillugu sulinermit ilanngaatiq tusind koruunik X-nik annertussusilik eqqunneqassappat tamanna Nunap Karsianut qanoq akeqassanersoq? Kissaatigaara akissut kisitsisitigit takussutissinngorlugu suliarineqassasooq, taamaasilluni takuneqarsinnaaqullugu Nunap Karsianut annaasooq qanoq annertutigissanersoq ilanngaatiq 1.000 koruuniungaangat qummut 20.000 koruunit angullugit.

Naalakkersuisut isumaqarput, ilusilersuinikkut suliffissaaleqineq ilinniartitaanerup qaf-fassarneratigit aammalu inuussuttut suliffissaaleqisut ikilinnerisigit pitsaanerpaamik iluarsineqarsinnaasooq. Tamatuma saniatigit iluarsaaqqinnerit arlaqartut atuutilersineqassapput, suliffissaaleqisut suliffissaqalersinnerisigit tapiissutit nuussuinikkullu aningaasarsiat ikilinnerisigit pissakinnerusut akileraarusersorneri annikillisillugu. Tasunga atatillugu sulinermit ilanngaataasinnaasooq iluaqutaassanersoq aamma qimerluussavarput. Tamanna pillugu isumaliuutitik 2014-imi ukiakkut ataatsimiinnermi saqqummiusinnaassallugit, Naalakkersuisut naatsorsuutigaat. Sulinermit ilanngaatiq pillugu Aningaasaqarnermit Akileraartarnermullu Ataatsimiititaliap isumaliuutissiisutaani 2012-imi ukiakkut ataatsimiinnermi inassuteqataasut nassuiaataasussap ilaatigit aal-laavigissavai.

3. Isertitanut akileraarutip procentpointimik ataatsimik appartinneqarneri tamaasa tamanna landskarsimut qanoq akeqassava?

Al 2014-imi konto 24.10.10-p ataani allassimavoq: '.. akileraartarnermit maleruagassat allannngortinneqanngitsut tunngavigalugit akileraarusiinnermi procenti ataaseq 79,9 mio. kr.-nik isertitaqartitsinissaa naatsorsuutigineqarpoq.'

Apeqqummut tulliuuttumut siusinnerusukkat akissutiga aalajangiusimassavara:

Akileraartarnermik iluarsaaqqinnerup tamarmiusup ilaasa ataasiakkaat soorlu ilanngaatiq assigiinngitsut akileraarutinilluunniit allannngortitsinerit suliarineqarnissaat pissusissamisoornaviannngilaq, tassami iluarsaaqqinnerup immikkoortuini allani taamatut-taaq isertitaqartoqassamat, ileqqaartoqarluni aningaasartuuteqarluniluunniit. Iluarsaaqqinnissat ataatsimoortut - akileraartarnermit aaqqissuusinnermik allannngortitsinerit ilanngullugit - ataatsimoortillugit isigineqassapput, nunatta aningaasaqarneranut tamarmiusumut taamatullu innuttaasut ataasiakkaat atugaasa naatsorsuutaannut sunik sunniuteqassanersut ataatsimut paasisinnaajumallugit.

Taamaattumik naatsorsuusiornerit tamakku sulinermit ilanngaateqassanersoq ilisimasat tunngavigalugit aalajangiinissamut atorneqarsinnaanngillat, tamanna siuliani nassuiarneqartut pinngippat. Apeqqutinut tulliuuttunut aningaasat allanneqartut taamaattumik katinneqaannassanngillat. Taakku tassaaginnarput apeqqutinut ataasiakkaanut naatsorsuilaaginnarnerit inernerit. Allannngutit annertuuni pissusersuutit allannngornissaat aamma nangaanartinneqartariaqarpoq, assersuutigalugu tamanut atuuttumik ilan-

ngaatit ataatsikkut peernerisa pissusersornerit allanngorneri malitsigissammassuk, ilu-  
anaarutissat allanneqartunit appasinnerujussuarmik inernejartillugit.

4. Landskarsi qanoq iluanaaruteqassava sulisartut peqatigiiffiitut akiliutip ilan-  
ngaatigineqartarnera peernejartuuppat?

Katillugit 8,1 mio. kr. miss. Taakkunannga kommunit pissaat 6 mio. kr. missaaniipput.

5. Landskarsi qanoq iluanaaruteqassava inummut ilanngaat 1000 koruuninik ap-  
parnejaraangat aamma paarlattuanik landskarsi qanoq annaasaqartigissava  
inummut ilanngaat 1000 koruuninik qaffanneqarangat?

Inummut ilanngaat 2014-imi tusind koruuninik apparnejassaaq 48.000 kr.-nit 47.000 kr.-  
nut: Katillugit 15,6 mio. kr. missaat. Taakkunannga kommunit pissaat tassaapput 12,2  
mio. kr. missaat.

Inummut ilanngaat 2014-imit tusind koruuninik qaffanneqarpoq 48.000 kr.-nit 49.000 kr.-  
nut: Katillugit -15,6 mio. kr. missaat. taakkunannga kommunit pissaat tassaapput -12,2  
mio. kr. missaat.

6. Landskarsi qanoq iluanaaruteqassagalarpa ilanngaat naliginnaasoq 10.000 ko-  
ruuninik annersussusilik peernejartuppat?

Katillugit 97 mio. kr. missaat. Taakkunannga kommunit pissaat tassaapput 76,5 mio. kr.  
missaat.

Apeqputigineqartut matumuuna akineqartut neriuutigaara.

Inussiarnersumik inuulluaqqusillunga

  
Vittus Qujaukitsoq

Aningaasaqarnermut Nunamullu Namminermut Naalakkersuisoq